

II.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-4526

Goražde, 25.08.2011. godine

ZAMJENIK

PREDSJEDAVAJUĆEG VIJEĆA

Obuća Aida, dipl prav.

0716

Na osnovu člana 18. i člana 84. stav 1. Statuta Općine Goražde („Službene novine Bosansko-podrinjskog kantona Goražde, broj: 13/07) i člana 28. stav 1. i 2. Poslovnika Općinskog vijeća Općine Goražde („Službene novine Općine Goražde, broj: 2/08), Općinsko vijeće Općine Goražde, na svojoj 33. redovnoj sjednici, održanoj dana 25.08.2011. godine, **d o n o s i:**

O D L U K U

o imenovanju članova povremenih i drugih radnih tijela Općinskog vijeća Općine Goražde

I.

Ovom Odlukom bira se:

- u Komisiji za privredu, poljoprivredu, obrt i ruralni razvoj - Geca Mustafa.
- u Etičku komisiju časti - Perla Adnan.

II.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-4529

Goražde, 25.08.2011. godine

ZAMJENIK

PREDSJEDAVAJUĆEG VIJEĆA

Obuća Aida, dipl prav.

0717

Na osnovu člana 13.stav 2. alineja 3. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“ br. 49/06), člana 35. i 183. stav 2. Zakona o prostornom uređenju i građenju Bosansko-podrinjskog kantona Goražde („Službene novine Bosansko podrinjskog kantona Goražde“, broj:15/09) i člana 18. i 84. Statuta Općine Goražde („Službene novine Bosansko-podrinjskog kantona Goražde“, broj: 13/07), Općinsko vijeće općine Goražde, na 33. redovnoj sjednici, održanoj dana 25.08.2011. godine, **d o n o s i:**

O D L U K U

o usvajanju i provođenju Izmjena Regulacionog plana „VITKOVIĆI“ u GORAŽDU

1 USVAJANJE IZMJENE PLANA**Član 1.**

Usvajaju se Izmjene Regulacionog plana „Vitkovići“ u Goraždu (u daljem tekstu: Plan). Vremenski horizont Plana je 2021. godina.

Član 2.

Ovom izmjenom Plana utvrđuju se uvjeti korištenja, izgradnje, uređenja i zaštite prostora i objekata unutar obuhvata Plana, a naročito: granice obuhvata Plana i granice površina raznih namjena, urbanističko-tehnički uvjeti, planirani i izgrađeni objekti, valorizacija objekata, urbanističko-tehnički uvjeti za gradnju, rekonstrukciju, redizajn objekata, uvjeti za uređenje fasada, odnosi prema postojećim objektima i namjenama i uvjeti uređenja zelenih i slobodnih površina, kao i tretman infrastrukturnih objekata (saobraćaj, hidrotehnika, vodovod i kanalizacija, elektroenergetika i grijanje).

Član 3.

Plan sadrži tekstualni dio i grafičke priloge izrađene digitalnom i analognom obliku razmjere 1:1000, i to:

I OPĆA DOKUMENTACIJA**II TEKSTUALNI DIO**

- A) Uvodno obrazloženje
 B) Stanje organizacije, uređenja i korištenja prostora
 C) Potrebe, mogućnosti i ciljevi organizacije, uređenja i korištenja prostora
 D) Plan organizacije, uređenja i korištenja prostora
 E) Odredbe i smjernice za provođenje plana
 F) Orijentacioni troškovi uređenja građevinskog zemljišta

III GRAFIČKI DIO:

01. Geodetska podloga – situacija	R = 1:1000
01.a. Valorizacija – Postojeća namjena površina	R = 1:1000
01.b. Valorizacija – Bonitet građevinskog fonda	R = 1:1000
01.v. Karta rušenja	R = 1:1000
02. Inženjerskogeološka karta	R = 1:1000
03. Ocjena prirodnih i stvorenih uvjeta	R = 1:1000
04. Plan prostorne organizacije	R = 1:1000
05. Plan saobraćaja i nivelacije	R = 1:1000
06. Plan infrastrukture - hidrotehnika	R = 1:1000
07. Plan infrastrukture - elektroenergetika, telekomunikacije	R = 1:1000
08. Plan infrastrukture - toplifikacija	R = 1:1000
09. Plan infrastrukture - sintezna karta	R = 1:1000
10. Plan sistema zelenih površina	R = 1:1000
11. Plan građevinskih i regulacionih linija	R = 1:1000
12. Plan parcelacije	R = 1:1000

II. PROVOĐENJE IZMJENE I DOPUNE PLANA**Član 4.**

Prostorna cjelina, granice i namjena površina.

1. Prostorni obuhvat Izmjene Regulacionog plana „Vitkovići" je definisan Odlukom o izradi, a obuhvata područje između magistralnog puta Foča-Goražde na sjeveru, lijeve obale rijeke Drine na jugu, fabrike azota na sjeveroistoku, te uključuje naselje Čovčići na zapadu.

Ukupna površina obuhvata Plana je 20 ha.

2. Granice prostorne cjeline koja je obuhvaćena Izmjenom Regulacionog plana „Vitkovići" (u daljem tekstu: Izmjena Plana) prikazane su u grafičkom dijelu Izmjene Plana (karta br. 4. idr).

Namjena pojedinih površina i objekata u granicama obuhvata Izmjene Plana određena je u grafičkom dijelu Izmjene Plana (karte br. 4-12).

Član 5.

Način provođenja Izmjene Plana

Izmjena Plana se provodi u svim fazama izgradnje, uređenja i funkcionisanja planiranih i postojećih objekata, putem sljedećih aktivnosti:

- Izdavanja urbanističke saglasnosti, odobrenja za građenje ili za izvođenje drugih radova i odobrenja za upotrebu građevina i radova - isključivo za građevine i radove koji su predviđeni Izmjenom Plana i odbijanja takvih zahtjeva za građevine i radove koji nisu predviđeni, odnosno koji nisu u skladu sa Izmjenom Plana;

- Stručne kontrole izrade detaljnih urbanističko-tehničkih uvjeta u skladu s Izmjenom Plana i izrade izvedbenih projekata u skladu sa urbanističkom saglasnosti;

- Redovne i efikasne inspeksijske kontrole svih aktivnosti u prostoru koji je obuhvaćen izmjenom Plana, a naročito aktivnosti izvođenja građevinskih ili drugih radova za koje je potrebno odobrenje i sprečavanja aktivnosti koje nisu predviđene Izmjenom Plana ili nisu u skladu sa odobrenjem za građenje ili odobrenjem za izvođenje drugih radova.

Član 6.

Urbanističko-tehnički uvjeti

1. Opći urbanističko-tehnički uvjeti za izgradnju građevina i za izvođenje radova predviđenih Izmjenom Plana određeni su u glavi D. tekstualnog dijela, na kartama 4-12 grafičkog dijela Izmjene Plana i u ovoj Odluci.

2. Horizontalni gabariti planiranih zgrada prikazani su na kartama br. 4. i 11. su po pravilu maksimalni.

Detaljnim urbanističko-tehničkim uvjetima određuju se definitivno horizontalni gabariti zgrade.

Kada za to postoje opravdani razlozi (usklađivanje gabarita sa granicom katastarske ili građevinske parcele, obezbjeđenje propisanih tehničkih uvjeta i normativa za organizovanje poslovnog prostora za određenu namjenu, olakšavanje rješavanja imovinsko-pravnih odnosa, olakšavanje provođenja planskog rješenja i sl.), detaljnim urbanističko-tehničkim uvjetima mogu se, na obrazložen i dokumentovan zahtjev podnosioca zahtjeva za

izdavanje urbanističke saglasnosti, odrediti definitivni horizontalni gabariti zgrade koji u nužnoj mjeri odstupaju od maksimalnih gabarita iz stava 2.

Uvjet za primjenu odredaba ovog stava je da se promjenom horizontalnog gabarita ne prelaze regulacione i građevinske linije ili granice građevinske parcele, niti zauzima prostor planiran za saobraćajnice i saobraćajne površine.

Postojanje opravdanih razloga i uvjeta iz ovog stava, utvrđuje se i obrazlaže u tekstualnom dijelu detaljnih urbanističko-tehničkih uvjeta.

3. Horizontalni gabariti saobraćajnica i saobraćajnih površina su, po pravilu, fiksni.

Detaljnim urbanističko-tehničkim uvjetima mogu se odrediti minimalna odstupanja od tih gabarita, ako to zahtijevaju opravdani tehnički razlozi, obrazloženi idejnim projektom, ili drugi opravdani razlozi (fazna izgradnja saobraćajnice, fazno rješavanje imovinskopravnih odnosa i sl.).

4. Vertikalni gabariti planiranih zgrada, izraženi brojem nadzemnih etaža i prikazani na karti br. 4. su, u pravilu, maksimalni.

Detaljnim urbanističko-tehničkim uvjetima određuju se definitivni vertikalni gabariti zgrade.

Na obrazložen zahtjev podnosioca zahtjeva za izdavanje urbanističke saglasnosti, detaljnim urbanističko-tehničkim uvjetima može se odrediti veća spratnost zgrade od planirane za jednu punu etažu, ili za mansardnu, potkrovnu ili povučenu etažu, ali samo u slučaju da se mogu ispoštovati propisane distance od susjednih objekata, te zadovoljiti potrebe za otvorenim površinama i parking-prostorom u minimalnom omjeru jedan stan - jedno parking-mjesto.

Povučena etaža ne smije da zauzme više od 75% površine tipske etaže planiranog objekta.

5. U stambenim zgradama prizemna ili visokoprizemna etaža može se, u cjelini ili djelomično, namijeniti za poslovne djelatnosti.

U stambeno-poslovnim zgradama prizemna ili visokoprizemna etaža mora biti namijenjena za poslovne djelatnosti.

6. Poslovne djelatnosti koje se mogu obavljati u stambenim, stambeno-poslovnim i poslovnim zgradama moraju biti kompatibilne sa stanovanjem, tj. takve da bukom, vibracijama,

zračenjem, emisijama štetnih materija, većom opasnošću od požara, eksplozije ili druge vrste tehničkih incidenata, nesrazmjerno velikim opterećenjem saobraćajnica i parkirališta i sl. ne ugrožavaju normalno stanovanje i rad u istoj ili u susjednim zgradama.

7. Pomoćne prostorije za planirane zgrade smještaju se u sastavu glavne zgrade, u prizemnoj, suterenskoj ili podrumskoj etaži ili u zasebnom pomoćnom objektu na prostorima gdje je to predviđeno planom.

Dopuštena je izgradnja novih pomoćnih objekata, ako se dokaže da je to neophodno za funkcionisanje glavnog objekta i to samo u sklopu individualnih parcela.

Svaki pojedinačni slučaj izgradnje pomoćnog objekta mora biti detaljno sagledan i definisan kroz izradu urbanističko-tehničkih uvjeta.

Zabranjeno je pretvaranje pomoćnih objekata u poslovne objekte.

Na zahtjev podnosioca zahtjeva za izdavanje urbanističke saglasnosti, detaljnim urbanističko-tehničkim uvjetima može se odrediti izgradnja jedne ili više podrumskih (suterenskih) etaža.

Ako se podrumski etaža namjenjuje za garažiranje vozila, moraju biti ispunjeni neophodni uvjeti za prilaz vozila garažama (dužina i nagib rampe i sl.).

8. Zabranjeno je postavljanje ograda oko kolektivnih stambenih, stambeno-poslovnih i poslovnih objekata.

Ograde je moguće postaviti po granicama parcela individualnih stambenih objekata, dok je postavljanje ograda oko individualnih stambeno-poslovnih objekata, koji nisu planirani kao lamele, moguće i definiše se kroz urbanističko-tehničke uvjete.

9. Građevinske linije zgrada, prikazane na karti br. 11, su granične, i prikazuju liniju koju zgrada ne može preći najisturenijim dijelom. Detaljnim urbanističko-tehničkim uvjetima određuje se položaj zgrade prema građevinskim linijama.

Kada za to postoje opravdani razlozi (organizacija prostora, primjena standardnih rastera za projektovanje, oblikovno usklađivanje sa susjednim zgradama i sl.) detaljnim urbanističko-tehničkim uvjetima mogu se odrediti horizontalni gabariti ostalih nadzemnih etaža (osim prizemlja) koji prelaze planirane

građevinske linije maksimalno 2 m, i to u mjeri koja je nužna da se uvažavaju navedeni razlozi (balkoni, terase, fasadni liftovi, ukrasni elementi fasade, konzole, strehe i sl.).

Pomjeranje građevinskih linija sprata u odnosu na prizemlje objekta treba da se iskoristi za formiranje balkona, terasa i atraktivne arhitektonske plastike fasada, a ne za ostvarivanje dodatnog stambenog prostora, te u tom smislu puni erkeri istureni u odnosu na prizemnu etažu ne smiju da iznose više od 30% površine ukupnog razvijenog fasadnog platna spratnih etaža.

Na osnovu odredaba prethodnog stava, ne mogu se odrediti horizontalni gabariti ostalih nadzemnih etaža zgrade koji bi zahvatili vazdušni prostor iznad kolovoza saobraćajnica.

10. Detaljnim urbanističko-tehničkim uvjetima može se korigovati građevinska parcela predviđena Regulacionim planom u minimalnim odstupanjima i to da bi se uvažili relevantni faktori koji se tiču imovinskopravnih odnosa, ali da se pritom ne ugrožavaju drugi okolni objekti, odnosno pristupi istim i njihovo normalno funkcionisanje.

11. Na obrazložen zahtjev vlasnika, odnosno korisnika, zemljišta na kojem su planirane dvije ili više susjednih građevinskih parcela, detaljnim urbanističko-tehničkim uvjetima, te parcele se mogu spojiti u jednu ili više većih građevinskih parcela, uz uvjet da građevinske parcele koje su određene ovim Planom, kao cjelina ulaze u sastav novoformiranih parcela.

12. Detaljnim urbanističko-tehničkim uvjetima određuju se namjena zgrada i njihovih dijelova, horizontalni i vertikalni gabariti, položaj prema građevinskim linijama i prema granicama građevinske parcele, položaj pomoćnih prostorija, uvjeti priključenja na komunalne instalacije i saobraćajnice, uvjeti u pogledu fasada, krovova, ograda, parkirališta, ozelenjavanja i uređenja parcela i dr.

13. detaljni urbanističko-tehnički uvjeti za saobraćajnice i saobraćajne površine, za infrastrukturne instalacije, za uređenje javnih i zelenih površina i sl. izrađuju se, po pravilu, za pojedine objekte, odnosno za pojedine površine.

Detaljni urbanističko-tehnički uvjeti izrađuju se kao poseban elaborat, u skladu sa planom i sa odredbama zakona o uređenju

prostora i služe kao stručna podloga za izdavanje urbanističke saglasnosti i za projektovanje.

Gradski organ uprave nadležan za prostorno uređenje može, na osnovu svoje ocjene ili na inicijativu komisije Općinskog vijeća nadležne za poslove prostornog uređenja, organizacije koja je nosilac izrade detaljnih urbanističko-tehničkih uvjeta, podnosioca zahtjeva za izdavanje urbanističke saglasnosti, projektanta ili drugog zainteresovanog lica, odlučiti da se prije ili istovremeno sa izradom detaljnih urbanističko-tehničkih uvjeta za javne zgrade, javne površine ili druge značajnije građevine izrade idejna rješenja ili idejni projekti objekata na koje se uvjeti odnose.

Kada je to potrebno za potpunije, detaljnije ili preciznije određivanje uvjeta u urbanističkoj saglasnosti, organ iz prethodnog stava može na isti način odlučiti o obavezi izrade idejnog rješenja ili idejnog projekta i nakon izrade detaljnih urbanističko-tehničkih uvjeta, a prije izdavanja urbanističke saglasnosti.

Član 7.

Privremeni objekti

1. Na prostoru koji je obuhvaćen Planom ne mogu se, po pravilu, postavljati privremeni objekti, izuzev privremenih gradilišnih objekata.

2. Izuzetno, iz posebno opravdanih razloga, može se odobriti postavljanje privremenih tipskih prenosnih objekata (kioska) na javnim površinama na kojima neposredno ne predstoji izgradnja planiranih stalnih objekata.

Zabranjeno je lociranje privremenih tipskih prenosnih objekata (kioska) u dvorištima postojećih i planiranih porodičnih stambenih i stambeno-poslovnih zgrada.

3. Za lociranje privremenih objekata na javnim površinama izrađuju se detaljni urbanističko - tehnički uvjeti, po pravilu za koncentrisanu izgradnju tih objekata na lokalitetima koje odredi gradski organ uprave nadležan za poslove prostornog uređenja. Ovim dokumentom preciznije se definišu namjena objekata, gabariti, položaj, izgled, tip prenosnih objekata (kioska) i dr.

Za objekte iz stava 1. može se odrediti prostor potreban za njihovo postavljanje i upotrebu, koji ne predstavlja građevinsku parcelu i nije predmet parcelacije.

Član 8.

Status postojećih zgrada

1. Postojeće zgrade koje su Planom određene za uklanjanje prikazane su na karti br.1.v.
2. Dok ne budu uklonjene, za zgrade iz tačke 1. važi poseban i ograničen urbanistički režim, koji ima za cilj da se omogući normalno korištenje ovih zgrada prema njihovoj namjeni (stanovanje ili obavljanje djelatnosti), a da se time ne5. onemogući ili znatno ne oteža realizacija odgovarajućeg planskog rješenja kada se za to stvore uvjeti.
3. U skladu sa načelima iz tačke 2. vlasnici / korisnici zgrada iz tačke 1. imaju u pogledu tih zgrada pravo na:
 - a. Tekuće održavanje zgrada, uređaja, instalacija, pristupa i zemljišta koji služe zgradi;
 - b. Dogradnju u cilju obezbjeđenja osnovnih higijenskih uvjeta (kupatilo i WC);
 - c. Pregradnju koja nema karakter nove gradnje;
 - d. Konzervaciju građevine;
- e. Dogradnju ili izgradnju, kao privremenih građevina, neophodnih prostorija za stanovanje ili obavljanje djelatnosti i neophodnih pomoćnihc. prostorija (ostave, garaže, kotlovnice, predulazi, vjetrobrani, nadstrešnice i sl.);
- f. Privremenu promjenu namjene zgrade ili dijelova zgrade, uključujući i adaptaciju tavanskog ili podrumskog prostora u stambeni, poslovni ili pomoćni prostor, bez podizanja visine nadzitka;
- g. Zamjenu krova, bez podizanja visine nadzitka;
- h. Izgradnju priključaka na komunalne instalacije;
- i. Postavljanje privremene ograde na granicama zemljišta koje se koristi uz zgradu;
- j. Druge manje intervencije na zgradi, uređajima i instalacijama, u pravilu kao privremene, kojima se obezbjeđuje normalno korištenje zgrade ili zemljišta koje se koristi uz zgradu, a ne onemogućuje ili znatno ne otežava realizaciju planskog rješenja.
Kao druge intervencije, u smislu prethodnog stava, ne smatraju se veće intervencije (rekonstrukcija, nadziđivanje jedne ili više etaža, rekonstrukcija ili zamjena krova sa podizanjem

nadzitka, izgradnja novih građevina stalnog karaktera i sl.);

k. Na parcelama na kojima su planirani zamjenski objekti umjesto postojećih, za postojeće objekte važe svi gore navedeni uvjeti iz tačke 3. i to do momenta izgradnje novog objekta u planiranim, zamjenskim gabaritima;

4. Odredbe tačke 3. odnose se na glavne (stambene, stambeno-poslovne ili poslovne) i na pomoćne zgrade.

Ako je postojeća zgrada, koja je Planom određena za uklanjanje (tačka 1.) izgrađena bez odobrenja za građenje, za intervencije iz tačke 3. izdat će se urbanistička saglasnost nakon trajne ili privremene legalizacije zgrade ili istovremeno sa tom legalizacijom, ako postoje uvjeti, prema posebnim propisima, za trajnu ili privremenu legalizaciju.

6. Za postojeće zgrade koje Planom nisu određene za uklanjanje, mogu se odobriti:

- a. intervencije iz tačke 3, po pravilu kao trajne, nadziđivanje do spratnosti P+2, za zgrade individualnog tipa korištenja (porodične stambene ili stambeno-poslovne zgrade, poslovne zgrade manjih gabarita), nadziđivanje jedne pune ili jedne povučene, mansardne ili potkrovnne etaže, za zgrade kolektivnog tipa korištenja (poslovne, višeporodične stambene ili stambeno-poslovne zgrade).

7. Za zgrade za koje je na karti br.4. određena mogućnost rekonstrukcije, na zahtjev vlasnika, izdat će se urbanistička saglasnost i građevinska dozvola za izgradnju nove zgrade u gabaritima koji su određeni za rekonstruisanu zgradu.

8. Za intervencije iz tački 3-7. člana 8. shodno važe i pravila iz tačaka 1-12. člana 6. ove Odluke, ako nisu u suprotnosti sa pravilima iz tačaka 3-7. člana 8.

Član 9.

Privremeno korištenje zemljišta

Do realizacije planskih rješenja, zemljišta obuhvaćena Izmjenom Plana mogu se konstiti na zatečeni ili drugi način, kojim se ne onemogućava ili bitno ne otežava realizacija planskih rješenja (građevinske parcele postojećih zgrada, dvorista, vrtovi, saobraćajne

površine, manipulativne površine, igrališta, zelene površine i sl.)

Član 10.

Uređenje i korištenje građevinskog zemljišta.

Član 11.

a) Uređenje građevinskog zemljišta

1. Na području Regulacionog plana izgradnja objekata vrši se samo na uređenom građevinskom zemljištu.

2. Pod uređenim građevinskim zemljištem podrazumijeva se zemljište na kojem je izvršeno raščiscavanje od neadekvatne gradnje i na kome je izgrađena komunalna infrastruktura, instalacije za zajedničko i pojedinačno korištenje.

3. Uređenje građevinskog zemljišta vrši se prema programu uređenja. Minimalni obim uređenja građevinskog zemljišta je:

- snabdijevanje vodom i odvođenje otpadnih voda,
- priključak na elektroenergetsku mrežu,
- izgradnja prilaznog puta do građevinske parcele.

Član 12.

b) Korištenje građevinskog zemljišta

1. Građevinsko zemljište na području Regulacionog plana ustupa se samo u svrhu izgradnje ili revitalizacije trajnih objekata predviđenih Regulacionim planom.

2. Građevinsko zemljište se može dati na korištenje ako je uređeno ili će se urediti u roku od jedne godine.

3. Neuređeno građevinsko zemljište može se dati na korištenje samo ako se njegovo uređenje osigura ugovorom između korisnika zemljišta i Općine, odnosno ovlaštene organizacije.

4. Ugovorom se utvrđuje obim uređenja zemljišta, koji ne može biti manji od obima uređenja predviđenog Regulacionom planom. Ugovor mora da sadrži rok uređenja i garanciju.

Član 13.

O provođenju ove Odluke starat će se nadležna općinska služba.

Član 14.

Ova Odluka stupa na snagu osmog dana od objavljivanja u „Službenim novinama Općine Goražde”.

Broj: 01-02-4533

Goražde, 25.08.2011. godine

ZAMJENIK

PREDSJEDAVALAČEVIĆ VIJEĆA

Obuća Aida, dipl prav.

0718

Na osnovu članova 18. i 84. Statuta Općine Goražde („Službene novine Bosansko-podrinjskog kantona Goražde“, broj:13/07) i Odluke o usvajanju Programa utroška novčanih sredstava prikupljenih od prodaje poslovnih prostora u vlasništvu Općine Goražde, utvrđivanju organa i postupaka dodjele kredita za podsticanje zapošljavanja („Službene novine Bosansko-podrinjskog kantona Goražde“, broj: 02/00,16/06 i12/09), Općinsko vijeće Općine Goražde, na 33. redovnoj sjednici, održanoj dana 25.08.2011. godine, **d o n o s i:**

O D L U K U

o dodjeli kreditnih sredstava UR „BLACK & WHITE“ vl. Fejzić Amera iz Goražda iz Namjenskog depozita Općine Goražde u cilju bržeg zapošljavanja na području Općine Goražde

Član 1.

Odobravaju se kreditna sredstva u iznosu od 8.000,00 KM (osam hiljada konvertibilnih maraka) iz Namjenskog depozita Općine Goražde u cilju bržeg zapošljavanja na području Općine Goražde, UR „BLACK & WHITE“ vl. Fejzić Amera iz Goražda, pod sljedećim uvjetima:

- Rok otplate je 36 mjeseci od dana početka korištenja kreditnih sredstava;

- Kamatna stopa je 3% godišnje, uz obračun i plaćanje mjesečno unazad, najkasnije do sedmog u mjesecu za protekli mjesec;
- Za dodijeljenih 8.000,00 KM (osam hiljada konvertibilnih maraka) korisnik kredita je obavezan uposliti jednog radnika sa kojim zaključuje ugovor o radu i zadržati ga u radnom odnosu najmanje dok traje otplata kredita.

Član 2.

Korisnik kreditnih sredstava, UR „BLACK & WHITE“ vl. Fejzić Amera iz Goražda se obavezuje da će Općini Goražde svakog drugog mjeseca dostavljati dokaze o uplati poreza i doprinosa na ime novouposlenog radnika pod uvjetima iz člana 1. ove Odluke, i to obrazac od specifikacije za isplatu plaća ovjeren od strane nadležne porezne uprave ili uvjerenje o uplatama poreza i doprinosa za uposlenog radnika uz potpis uposlenog lica.

Član 3.

Za pokriće obaveza po osnovu izdatog kredita u skladu sa tačkom 1. ove Odluke UR „BLACK & WHITE“ vl. Fejzić Amera iz Goražda će obezbijediti dva žiranta prihvatljiva za Privrednu banku Sarajevo.

Član 4.

UR „BLACK & WHITE“ vl. Fejzić Amera iz Goražda je obavezna da sredstva dugoročnog kredita vraća u jednakim mjesečnim anuitetima na transakcioni račun broj: 101140000001617 kod Privredne banke Sarajevo do sedmog dana u mjesecu.

Član 5.

U slučaju nepoštivanja odredaba ove Odluke od strane UR „BLACK & WHITE“ vl. Fejzić Amera iz Goražda, kredit se u tom momentu smatra u cijelosti dospjelim za naplatu i banka će poduzeti sve zakonske mjere za naplatu istog.

Član 6.

Ovlašćuje se načelnik Općine Goražde da zaključi ugovor o dodjeli kreditnih sredstava

iz člana 1. ove Odluke, a u skladu sa odredbama ove Odluke, kojim će se regulisati bliža prava i obaveze ugovornih strana.

Ukoliko se ugovor ne zaključi u roku od 30 dana od dana stupanja na snagu ove Odluke, ista prestaje da važi.

Član 7.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-4530

Goražde, 25.08.2011. godine

ZAMJENIK

PREDSJEDAVAJUĆEG VIJEĆA

Obuća Aida, dipl prav.

0719

Na osnovu člana 18. i člana 84. stav 1. Statuta Općine Goražde („Službene novine Bosansko-podrinjskog kantona Goražde, broj: 13/07) i člana 28. stav 1. i 2. Poslovnika Općinskog vijeća Općine Goražde („Službene novine Općine Goražde, broj: 2/08), Općinsko vijeće Općine Goražde, na svojoj 33. redovnoj sjednici, održanoj dana 25.08.2011. godine,

d o n o s i:

O D L U K U

**O IMENOVANJU ČLANOVA STALNIH
RADNIH TIJELA
OPĆINSKOG VIJEĆA OPĆINE GORAŽDE**

I.

Ovom Odlukom biraju se:

- u Komisiju za budžet, finansije i administrativna pitanja - Cuplov Edib,
- u Komisiju za pitanja boračko-invalidske zaštite, izbjeglih i raseljenih lica - Mešanović Arijana.

II.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-4527

Goražde, 25.08.2011. godine

ZAMJENIK

PREDSJEDAVAJUĆEG VIJEĆA

Obuća Aida, dipl prav.

0720

Na osnovu člana 19. stav 1. Zakona o prometu nepokretnosti ("Službeni list SR BiH" br. 38/78, 4/79, 29/90, 22/91 i "Službeni list R BiH" br. 21/92, 3/93, 18/94) i člana 13. Zakona o principima lokalne samouprave u Federaciji Bosne i Hercegovine ("Službene novine FBiH" br. 49/06), te članova 18. i 84. Statuta Općine Goražde ("Službene novine Bosansko-podrinjskog kantona Goražde" br. 13/07), Općinsko vijeće Općine Goražde, na 33. redovnoj sjednici, održanoj dana 25.08.2011.godine, **d o n o s i:**

O D L U K U**o prihvatanju ponude Vukadin Velimira za kupovinu građevinskog zemljišta****Član 1.**

Prihvata se ponuda Vukadin Velimira, od 20.07.2011. godine, zavedena pod brojem: 08-1-31-2408/11, kojom Općini Goražde nudi kupovinu zemljišta u naselju Kuta u Goraždu, po ponuđenoj cijeni od 10,00 KM po 1 m², a radi obezbjeđenja građevinskog zemljišta za izgradnju lokalne saobraćajnice u ovom naselju.

Član 2.

Odobrava se kupovina građevinskog zemljišta iz člana 1. ove Odluke, koje je u katastarskom operatu označeno kao:

- k.č. 3668/3 zv. "Kuta" po kulturi njiva 3. klase, u površini od 163 m², koja je upisana u p.l. br. 2406/04 KO Goražde I, na ime dražavna svojina - korisnik Vukadin (Rada) Velimir iz Trebinja, sa 1/1 dijela posijeda, po cijeni u ukupnom iznosu od 1.630,00 KM (hiljadu šeststo trideset konvertibilnih maraka).

Član 3.

Novčana sredstva iz člana 2. ove Odluke obezbjedit će se iz Budžeta Općine Goražde, sa ekonomskog koda 821 111 – Nabavka zemljišta.

Član 4.

Ovlašćuje se načelnik Općine Goražde da sa prodavcem zaključi kupoprodajni ugovor, s tim što će Općina Goražde snositi troškove prenosa prava vlasništva.

Član 5.

Ova Odluka stupa na snagu osmog dana od dana objavljivanja u "Službenim novinama Općine Goražde".

Broj: 01-02-4532

Goražde, 25.08.2011.godine

ZAMJENIK

PREDSJEDAVAJUĆEG VIJEĆA

Obuća Aida, dipl prav.

0721

Na osnovu člana 18. i člana 84. stav 1. Statuta Općine Goražde („Službene novine Bosansko-podrinjskog kantona Goražde, broj: 13/07) i člana 28. stav 1. 2. te člana 41. stav 2. Poslovnika Općinskog vijeća Općine Goražde („Službene novine Općine Goražde, broj: 2/08), Općinsko vijeće Općine Goražde, na svojoj 33. redovnoj sjednici, održanoj dana 25.08.2011. godine, **d o n o s i:**

O D L U K U**o razrješenju članova povremenih i drugih radnih tijela Općinskog vijeća Općine Goražde****I.**

Ovom Odlukom razrješava se:

- u Komisiji za privredu, poljoprivredu, obrt i ruralni razvoj - Kanlić Kenan.
- U Etičkoj komisiji časti - Bajrović Safet.

II.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-4528

Goražde, 25.08.2011. godine

ZAMJENIK

PREDSJEDAVAJUĆEG VIJEĆA

Obuća Aida, dipl prav.

0722

Na osnovu članova 18. i 84. Statuta Općine Goražde ("Službene novine Bosansko-podrinjskog kantona Goražde", broj: 13/07) i člana 12. stav 3. Odluke o jedinstvenom načinu ustupanja, korištenja i zaštite poslovnih prostorija i zgrada u vlasništvu Općine Goražde ("Službene novine Bosansko-podrinjskog kantona Goražde", broj: 01/08 i "Službene novine Općine Goražde", broj: 03/08, 01/09, 04/10, 5/11 i 06/11), Općinsko vijeće Općine Goražde, na 33. redovnoj sjednici, održanoj dana 25.08.2011.godine, **d o n o s i:**

O D L U K U

o davanju u zakup poslovnih prostorija u vlasništvu Općine Goražde, privrednom društvu "ŠAMPIKOM" d.o.o. Sarajevo

Član 1.

Općina Goražde neposrednom pogodbom daje u zakup na određeno vrijeme, na rok od 10 godina, poslovne prostorije (otkupna stanica) površine 80 m² u naselju Ilovača, Općina Goražde, privrednom društvu "ŠAMPIKOM" d.o.o. Sarajevo za obavljanje registrovane djelatnosti – otkup poljoprivrednih proizvoda.

Član 2.

Visina zakupnine za poslovni prostor iz člana 1. Ove Odluke utvrđuje se u iznosu 1,00 KM/m² + PDV.

Član 3.

Ovlašćuje se načelnik Općine da zaključi ugovor o zakupu poslovnih prostorija iz člana 1. ove Odluke, kojim će se regulisati bliža prava i obaveze ugovornih strana po osnovu zakupa.

Član 4.

Obavezuje se budući zakupac da redovno plaća režijske troškove (struja, voda, kanalizacija, odvoz otpada i smeća i dr.) koje budu potraživale ovlaštene organizacije i institucije po osnovu predmetnog poslovnog prostora.

Član 5.

Ova Odluka stupa na snagu osmog dana od dana objavljivanja u "Službenim novinama Općine Goražde".

Broj: 01-02-4531

Goražde, 25.08.2011. godine

ZAMJENIK

PREDSJEDAVAJUĆEG VIJEĆA

Obuća Aida, dipl prav.

0723

U skladu sa članom 123. Poslovnika Općinskog vijeća Općine Goražde ("Službene novine Općine Goražde", broj 2/08), Općinsko vijeće Općine Goražde, na trideset trećoj redovnoj sjednici, održanoj dana 25.08.2011. godine, **d o n o s i:**

Z A K L J U Č A K

1. Usvaja se Izvještaj o realizaciji zaključaka sa predhodne, 32. redovne sjednice Općinskog vijeća Općine Goražde.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-4534

Goražde, 25.08.2011. godine

ZAMJENIK

PREDSJEDAVAJUĆEG VIJEĆA

Obuća Aida, dipl prav.

0724

U skladu sa članom 123. Poslovnika Općinskog vijeća Općine Goražde ("Službene novine Općine Goražde", broj 2/08), Općinsko vijeće Općine Goražde, na trideset trećoj redovnoj sjednici, održanoj dana 25.08.2011. godine, **d o n o s i:**

Z A K L J U Č A K

1. Utvrđuje se Nacrt odluke o vodovodu i kanalizaciji.

2. Nacrt odluke može poslužiti kao osnova za izradu prijedloga propisa sa stavovima i primjedbama na nacrt propisa, koje su iznijela radna tijela-komisije Vijeća i vijećnici na sjednici Vijeća.
3. Nacrt odluke upućuje se na javnu raspravu, koja će se provesti na nivou svih 20 mjesnih zajednica na području općine Goražde.
4. Javnu raspravu će provesti nadležno radno tijelo Vijeća - Komisija za urbanizam, prostorno uređenje, stambeno-komunalnu politiku, infrastrukturu i zaštitu okoline.
5. Rok za provođenje javne rasprave je do 90 dana.
6. O rezultatima javne rasprave nadležno radno tijelo Vijeća će podnijeti izvještaj Općinskom vijeću.
7. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-4543

Goražde, 25.08.2011. godine

**ZAMJENIK
PREDSJEDAVAJUĆEG VIJEĆA**
Obuća Aida, dipl prav.

0725

U skladu sa članom 123. Poslovnika Općinskog vijeća Općine Goražde (“Službene novine Općine Goražde”, broj 2/08), Općinsko vijeće Općine Goražde, na trideset trećoj redovnoj sjednici, održanoj dana 25.08.2011. godine, **d o n o s i:**

Z A K L J U Č A K

1. Ne usvaja se prijedlog Odluke o izmjenama i dopunama Poslovnika Općinskog vijeća Općine Goražde.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-4536

Goražde, 25.08.2011. godine

**ZAMJENIK
PREDSJEDAVAJUĆEG VIJEĆA**
Obuća Aida, dipl prav.

0726

U skladu sa članom 123. Poslovnika Općinskog vijeća Općine Goražde (“Službene novine Općine Goražde”, broj 2/08), Općinsko vijeće Općine Goražde, na trideset trećoj redovnoj sjednici, održanoj dana 25.08.2011. godine, **d o n o s i:**

Z A K L J U Č A K

1. U skladu sa članom 146. stav 5. do 8. Poslovnika Općinskog vijeća Općine Goražde, predlagač povlači prijedlog odluke o dodjeli novčanih sredstava Mjesnoj zajednici Vitkovići sa dnevnog reda 33. sjednice Vijeća.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-4537

Goražde, 25.08.2011. godine

**ZAMJENIK
PREDSJEDAVAJUĆEG VIJEĆA**
Obuća Aida, dipl prav.

0727

U skladu sa članom 123. Poslovnika Općinskog vijeća Općine Goražde (“Službene novine Općine Goražde”, broj 2/08), Općinsko vijeće Općine Goražde, na trideset trećoj redovnoj sjednici, održanoj dana 25.08.2011. godine, **d o n o s i:**

Z A K L J U Č A K

1. Zadužuje se načelnik Općine Goražde da u saradnji sa Ministarstvom za obrazovanje, nauku, kulturu i sport Bosansko- podrinjskog kantona Goražde razmotri mogućnost rješavanja problema građana Mjesne zajednice Vitkovići, a tiče se ozbiljnog problema nefunkcionisanja prevoza čamcem djece preko rijeke Drine iz sela Kodžaga, Ahmovići i dr. sa desne obale Drine, te da predlože adekvatno rješenje ovog problema.
2. Rok za realizaciju ovog Zaključka je odmah.
3. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-4538

Goražde, 25.08.2011. godine

**ZAMJENIK
PREDSJEDAVAJUĆEG VIJEĆA**

Obuća Aida, dipl prav.

0728

U skladu sa članom 123. Poslovnika Općinskog vijeća Općine Goražde ("Službene novine Općine Goražde", broj 2/08), Općinsko vijeće Općine Goražde, na trideset trećoj redovnoj sjednici, održanoj dana 25.08.2011. godine, **d o n o s i:**

Z A K L J U Č A K

1. Usvaja se Izvještaj o izvršenju Budžeta Općine Goražde za period 01.01.2011. – 30.06.2011. godine.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-4545

Goražde, 25.08.2011. godine

**ZAMJENIK
PREDSJEDAVAJUĆEG VIJEĆA**

Obuća Aida, dipl prav.

0729

U skladu sa članom 123. Poslovnika Općinskog vijeća Općine Goražde ("Službene novine Općine Goražde", broj 2/08), Općinsko vijeće Općine Goražde, na trideset trećoj redovnoj sjednici, održanoj dana 25.08.2011. godine, **d o n o s i:**

Z A K L J U Č A K

1. Rasprava i odlučivanje po tački dnevnog reda 33. redovne sjednice Vijeća – prijedlog odluke o stavljanju van snage Odluke o participaciji Općine Goražde političkim strankama u rješavanju pitanja sjedišta stranki, **odlaže se** za narednu sjednicu Vijeća, kada će se ovaj prijedlog odluke naći na dnevnom redu kao posebna tačka.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-4540

Goražde, 25.08.2011. godine

**ZAMJENIK
PREDSJEDAVAJUĆEG VIJEĆA**

Obuća Aida, dipl prav.

0730

U skladu sa članom 123. Poslovnika Općinskog vijeća Općine Goražde ("Službene novine Općine Goražde", broj 2/08), Općinsko vijeće Općine Goražde, na trideset trećoj redovnoj sjednici, održanoj dana 25.08.2011. godine, **d o n o s i:**

Z A K L J U Č A K

1. Utvrđuje se Nacrt odluke o plaćanju komunalne naknade.
2. Nacrt odluke može poslužiti kao osnova za izradu prijedloga propisa sa stavovima i primjedbama na nacrt propisa, koje su iznijela radna tijela-komisije Vijeća i vijećnici na sjednici Vijeća.
3. Nacrt odluke se upućuje na javnu raspravu, koja će se provesti na nivou svih 20 mjesnih zajednica na području općine Goražde.
4. Javnu raspravu će provesti nadležno radno tijelo Vijeća - Komisija za urbanizam, prostorno uređenje, stambeno-komunalnu politiku, infrastrukturu i zaštitu okoline.
5. Rok za provođenje javne rasprave je 90 dana.
6. O rezultatima javne rasprave nadležno radno tijelo Vijeća će podnijeti izvještaj Općinskom vijeću.
7. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-4544

Goražde, 25.08.2011. godine

**ZAMJENIK
PREDSJEDAVAJUĆEG VIJEĆA**

Obuća Aida, dipl prav.

0731

U skladu sa članom 123. Poslovnika Općinskog vijeća Općine Goražde ("Službene novine Općine Goražde", broj 2/08), Općinsko vijeće Općine Goražde, na trideset trećoj redovnoj sjednici, održanoj dana 25.08.2011. godine, **d o n o s i:**

ZAKLJUČAK

1. Utvrđuje se Nacrt odluke o zaduženju Općine Goražde putem emisije općinskih obveznica.
2. Nacrt odluke može poslužiti kao osnova za izradu prijedloga propisa sa stavovima i primjedbama na nacrt propisa, koje su iznijela radna tijela-komisije Vijeća i vijećnici na sjednici Vijeća.
3. Nacrt odluke se upućuje na javnu raspravu, koja će se provesti na nivou svih 20 mjesnih zajednica na području općine Goražde.
4. Javnu raspravu će provesti nadležna radna tijela Vijeća - Komisija za budžet, finansije i administrativna pitanja i Komisija za urbanizam, prostorno uređenje, stambeno komunalnu politiku, infrastrukturu i zaštitu okoline.
5. Rok za provođenje javne rasprave je 90 dana.
6. O rezultatima javne rasprave nadležna radna tijela Vijeća će podnijeti izvještaj Općinskom vijeću.
7. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-4542
Goražde, 25.08.2011. godine

ZAMJENIK
PREDSJEDAVAJUĆEG VIJEĆA
Obuća Aida, dipl prav.

0732

U skladu sa članom 123. Poslovnika Općinskog vijeća Općine Goražde (“Službene novine Općine Goražde”, broj 2/08), Općinsko vijeće Općine Goražde, na trideset trećoj redovnoj sjednici, održanoj dana 25.08.2011. godine, **d o n o s i:**

ZAKLJUČAK

1. Odlaze se rasprava po 15. tački dnevnog reda 33. redovne sjednice Općinskog Vijeća Općine Goražde – prijedlog odluke o imenovanju jednog člana Općinske izborne komisije Općine Goražde.
2. Zadužuje se Komisija za izbor i imenovanje da za narednu sjednicu Vijeća pripremi prijedlog odluke o razrješenju člana Općinske izborne komisije Općine Goražde i prijedlog odluke o

imenovanju jednog člana Općinske izborne komisije Općine Goražde.

3. Rok za realizaciju ovog Zaključka je naredna sjednica Vijeća.
4. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-4539
Goražde, 25.08.2011. godine

ZAMJENIK
PREDSJEDAVAJUĆEG VIJEĆA
Obuća Aida, dipl prav.

0733

U skladu sa članom 123. Poslovnika Općinskog vijeća Općine Goražde (“Službene novine Općine Goražde”, broj 2/08), Općinsko vijeće Općine Goražde, na trideset trećoj redovnoj sjednici, održanoj dana 25.08.2011. godine, **d o n o s i:**

ZAKLJUČAK

1. U skladu sa članom 146. stav 5. do 8. Poslovnika Općinskog vijeća Općine Goražde, predlažak povlači prijedlog odluke o prenosu prava raspolaganja na stanu u ulici Ferida Dizdarevića broj 23. U Goraždu na JU „Kantonalna bolnica Goražde“ sa dnevnog reda 33. sjednice Vijeća i predlaže Vijeću da se pretres i donošenje propisa odloži.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-4535
Goražde, 25.08.2011. godine

ZAMJENIK
PREDSJEDAVAJUĆEG VIJEĆA
Obuća Aida, dipl prav.

0734

U skladu sa članom 123. Poslovnika Općinskog vijeća Općine Goražde (“Službene novine Općine Goražde”, broj 2/08), Općinsko vijeće Općine Goražde, na trideset trećoj redovnoj sjednici, održanoj dana 25.08.2011. godine, **d o n o s i:**

ZAKLJUČAK

1. Obzirom na karakter sumnjivih i spornih potraživanja, Služba za finansije, trezor i privredu, u skladu sa općeprihvaćenim računovodstvenim načelima, radi realnog iskazivanja finansijskog izvještavanja, odnosno rezultata, sva potraživanja koja se ne naplate u roku od jedne godine, treba da se isprave (isknjiže) na teret rezultata (vanredne rashode) shodno zahtjevima iz paragrafa 37. i 85. te paragrafa 18. u skladu sa Međunarodnim standardima finansijskog izvještavanja, što važi za sve naredne izvještaje (bilans stanja, bilans uspjeha Općine Goražde i dr.).
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-4546

Goražde, 25.08.2011. godine

ZAMJENIK**PREDSJEDAVAJUĆEG VIJEĆA**

Obuća Aida, dipl prav.

0735

U skladu sa članom 123. Poslovnika Općinskog vijeća Općine Goražde (“Službene novine Općine Goražde”, broj 2/08), Općinsko vijeće Općine Goražde, na trideset trećoj redovnoj sjednici, održanoj dana 25.08.2011. godine, **d o n o s i:**

ZAKLJUČAK

1. Ne usvaja se inicijativa Kluba vijećnika Stranke demokratske akcije, koja je podnesena na 32. redovnoj sjednici Općinskog vijeća Općine Goražde od 23.06.2011. godine, a koja se odnosi na izradu potporne podzide na putnom pravcu Ilovača – Brzača, zbog toga što ista nije u skladu sa poslovníkom Općinskog vijeća, jer ne djeluje na propis, te se podnosiocu inicijative predlaže da inicijativu realizuje kroz programe koji tretiraju ovu oblast.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-4549

Goražde, 25.08.2011. godine

ZAMJENIK**PREDSJEDAVAJUĆEG VIJEĆA**

Obuća Aida, dipl prav.

0736

U skladu sa članom 123. Poslovnika Općinskog vijeća Općine Goražde (“Službene novine Općine Goražde”, broj 2/08), Općinsko vijeće Općine Goražde, na trideset trećoj redovnoj sjednici, održanoj dana 25.08.2011. godine, **d o n o s i:**

ZAKLJUČAK

1. Ne usvaja se inicijativa vijećnice Vesne Marić, koja je podnesena na 32. redovnoj sjednici, održanoj 23.06.2011. godine, a koja se odnosi na to da se putem resornog općinskog organa obrati Kliničkom centru Sarajevo, odnosno naučnoistraživačkom institutu ovog centra, koji bi nakon svog istraživanja u općini Goražde dostavili Vijeću rezultate istraživanja iz oblasti zdravstvenog stanja stanovništva sa akcentom na učestalost oboljenja žena od raka dojke, zbog toga što ista ne djeluje na propis, ali je društveno opravdana.
2. Predlaže se Kantonalnom Ministarstvu za socijalnu politiku, zdravstvo, raseljena lica i izbjeglice da u saradnji sa Centrom za naučnoistraživački rad Kliničkog centra Univerziteta Sarajevo pokrene aktivnosti na istraživanju zdravstvenog stanja stanovništva Bosansko-podrinjskog kantona Goražde, sa akcentom na učestalost oboljenja žena od raka dojke.
3. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-4548

Goražde, 25.08.2011. godine

ZAMJENIK**PREDSJEDAVAJUĆEG VIJEĆA**

Obuća Aida, dipl prav.

0737

U skladu sa članom 123. Poslovnika Općinskog vijeća Općine Goražde ("Službene novine Općine Goražde", broj 2/08), Općinsko vijeće Općine Goražde, na trideset trećoj redovnoj sjednici, održanoj dana 25.08.2011. godine, **d o n o s i:**

Z A K L J U Č A K

Usvaja se inicijativa Bešlija Jasmina, koja je podnesena na 32. redovnoj sjednici, održanoj 23.06.2011. godine, a koja se odnosi na izmjenu Odluke o radnom vremenu i Odluke o javnom redu i miru, a u cilju produženja radnog vremena.

1. Zadužuje se nadležna općinska služba da pripremi nacrt ovih propisa kojim bi se regulisala ova oblast te ista uskladila sa Zakonom.
2. Rok za realizaciju ovog Zaključka je 60 dana.
3. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-4547

Goražde, 25.08.2011. godine

ZAMJENIK

PREDSJEDAVAJUĆEG VIJEĆA

Obuća Aida, dipl prav.

SADRŽAJ

0712	O D L U K U o razrješenju predsjednika i člana Odbora za dodjelu javnih priznanja Općine Goražde	461
0713	O D L U K U o imenovanju predsjednika i člana Odbora za dodjelu javnih priznanja Općine Goražde	461
0714	ODLUKU o dodjeli javnih priznanja Općine Goražde	462
0715	O D L U K U o razrješenju članova stalnih radnih tijela Općinskog vijeća općine goražde	462
0716	O D L U K U o imenovanju članova povremenih i drugih radnih tijela Općinskog vijeća Općine Goražde	463
0717	O D L U K U o usvajanju i provođenju Izmjena Regulacionog plana „VITKOVIĆI" u GORAŽDU	463
0718	O D L U K U o dodjeli kreditnih sredstava UR „BLACK & WHITE“ vl. Fejzić Amera iz Goražda iz Namjenskog depozita Općine Goražde u cilju bržeg zapošljavanja na području Općine Goražde	468
0719	O D L U K U o imenovanju članova stalnih radnih tijela Općinskog vijeća općine goražde	469
0720	O D L U K U o prihvatanju ponude Vukadin Velimira za kupovinu građevinskog zemljišta	470
0721	O D L U K U o razrješenju članova povremenih i drugih radnih tijela Općinskog vijeća Općine Goražde	470
0722	O D L U K U o davanju u zakup poslovnih prostorija u vlasništvu Općine Goražde, privrednom društvu “ŠAMPIKOM” d.o.o. Sarajevo	471
0723	ZAKLJUČCI	468-476

Izdavač: Općina Goražde, Ul. M. Tita 2. 73000 Goražde.

Glavni i odgovorni urednik sekretar Općinskog vijeća Općine Goražde, Samir Kanlić tel: +38738221161 i pomoćnik načelnika Službe za javne servise i tehničke poslove, Sanid Zirak tel: +38738221796.

Štampa **GRAFOMERX** Goražde